

1. juli 2010 sanaartornermi aningaasartuutitut naleqqersuut

1. Eqikkaaneq

*Ukiup ataaticp
ingerlanerani 1,7 pct.-mik
qaffariarneq*


1. juli 2009-miit 1. juli 2010-mut sanaartornermi aningaasartuutit 1,7 pct.-mik qaffapput. Sulinermi akissarsiat qaffariaateqarnerpaapput 3,3 pct.-mik. Atortussanut aningaasartuutit 0,1 pct.-mik apparput, tamanna beton-ip oqorsaatissiallu akiisa appariartornerannik peqquteqarpoq. Nassiussinermi akit 1,8 pct.-mik qaffariarput. Nassiussinermi akinik naatsorsuineq ataatsimut isigalugu 6 pct.-mik naleqqersuuppoq. Atortussanut aningaasartuutit ataatsimut naatsorsorneri isigalugit 42,6 pct.-mik naleqqersuupput. Sulinermi akissarsiat naatsorsorneri ataatsimut isigalugit 51,3 pct.-mik naleqqersuupput.

*Ukiup affaani 1,0 pct.-mik
qaffariarneq*

Piffissami 1. januar 2010 – 1. juli 2010 sanaartornermut aningaasartuutitut naleqqersuut 1,0 pct.-mik qaffariarpoq. Qaffariaat annikitsoq tamanna peqqutseqarpoq sulinermi akissarsiat 1,2 pct.-mik qaffariaateqarnerannik. Nassiussinermi akit 4,6 pct.-mik qaffariarput, tamanna RAL-p olie-mik nunallu aningaasaasa tapilussaannik naleqqusaanerannik peqqutseqartumik. Atortussat 0,3 pct.-mik qaffariarput.

Titartagaq 1.

Sanaartornermut aningaasartuutit akiisa ukiut affakkaarlugit ingerlarngi



*Qallunaat Nunaanni
sanaartornermi akit
ingerlangi*

Sanaartornermut aningaasartuutitut naleqqersuutip allanngorarnera Qallunaat Nunaanni allanngorarneq qanimut malippaa, tamassuma nassuiaatissaraa atortussat tamangajalluinnarmik Qallunaat Nunaannit eqqussorneqartarmata. Maanna Qallunaat Nunaanni ataatsimut naatsorsuinerit isigalugit, ukiup ataatsip ingerlanerani sanaartornermut aningaasartuutitut naleqqersuut 0,3 pct.-voq, *Qallunaat Nunaanni Naatsorsueqqissaartarfiup nutaarsiassaani nr. 290, 25. juni 2010-meersumi* nalunaakkat malillugit.

*E-mailikkut
allagarsisinneqartalerit*

Naatsorsueqqissaartarfiup nittartagaani kisitsisitigut paasissutissanik nutaanik tamanut saqqummiunneqartartunik siunissami paasissutissinneqartalerumaguit qarasaasiakkut nutaarsiassanik pissarsisalernissannut ilanngunneqarsinnaavutit www.stat.gl aqqutigalugu. Naqittagaq saamiatungaaniittoq "nyhedsbrev" toorukku malittuanillu ilanngunnerit nalunaarlugu. Taamaalillutit siunissami kisitsisiktigut paasissutissanik nutaanik tamanut saqqummiussisoqarnerani e-mailikut allagarsisinneqartalissaatit.

Saaffissaq

Allanik paaserusutanik apeqquteqartoqassaguni: Johanne Kleemann qarasaasiakkut allakkisaat e-mail atorlugu jkle@stat.gl saaffigineqarsinnaavoq.

Inussiarnersumik inuulluaqqusillunga
Johanne Kleemann, siunnersorti